



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД ҢАДИБЕРҢА

СИ' ИВ ЯЛЯХАНА ҢОПОЙ' СЕРТАБИВА'

# Мэбета вадава" ила' панан' етри' мэква"!

# НЯРЪЯНА

# ҢЭРМ



№ 2 (5224)  
2025 по'  
январь иры'  
11 яля

СУББОТА


Российская Федерация Ямало-Ненецкий автономный округ



Сидяңг: А. Яптик' тадтавы

Пыхыдамда  
тохоламби

3



Сидяңг: М.Яр' тадтавы

## Ты пэрти ялэ җатева"

Тюку по' округна" тигывна җэда" Ты пэрти" яля" яра' иры' 22-23 яляха"на пэңгуд", тикахад сидя иры' ямбан' минда". Нерня яна" тер" Нядаңгардан' ма"лэда", тамна пунарка' җани" хардаха"на.

Нядэй я' няна сянакова" ялэдо' мале таславы". Ты" саполана иры' 15 яля' Ныда' няна пирдырта". Сие ниць иры' 12 яляхана Нори хардахана ма"лэда". Кутопьюган' тер" хэбидя ялямдо' сие ниць иры' 19 яляхана мэтадо'.

Пуровской районхана тарця

нэңгу. Тарка Саля' тер" сянакова' ялэдо' ты" саполана иры' 1-2 яляха"на мэць пэңгудо'. Ты" саполана иры' 12 яляхана Харампур" тер" җарка ялямдо' мэта". Шурышкарской районхана илена" Мужа хардан' ты" саполана иры' 14-15 яляха"на ма"лэда". Ратта хардахана ты" саполана иры' 15 яляхана сянакурта". Тикы' пуд ты" саполана иры' 21 яля' Халясавэй' няна җэдалэ пирдырта". Тад хуняна Ханымей няби Толька' няна харад' тер" няби ты пэртя" нидо' манэта". Красноселькуп' няби Самбург'

тер" ты пэртя" ты" саполана иры' 29 яляхана сянакода".

Новой Уренгой' няна ты" саполана иры' 8-9 яля" пирка"на җобт' тэваңгуд". Ноябрьск' няна ты" саполана иры' 15-16 яляха"на ма"лурта". Саляңгардахананина" ты" саполана иры' 22-23 яляха"на манэтына". Муравленко' няна ты" саполана иры' 29 яляхана мэсь тараңгу. Аксарка няби Тазовский хардан' хэван' харвабта", ты" саполана иры' 29-30 ялэ" нерцю" тая' җэдалаңгуда".

Яр-Салян' тэваван' харвана", сие" ниць иры' 5-6 яляха' нерня

хамэдэбто' серота. Антипаюта' выҗгана илена" сие ниць иры' 10-11 яляха"на пирдырмамдо' мэтадо'. Панаевск' няби Новой Порт' сянакова' ялям' ханзер" мэ"мамдо' сие ниць иры' 12 яляхана манэць пиртара". Сямянхат пуняна Ңедя' няби Сёяха миҗаха'. Таяна сие ниць иры' 17-18 яляха"на няби сие ниць иры' 19-20 яляха"на ма"лурта".

Тарем' нэңгу", ни", тедари' пунси, ненадовна хэтвы вада ни җа", харвабта, несэймдавандадо' җэдакы, тикым' нум' тасламбида.

## Нядаңгосэй җадимя"

Несэйпом' пивана" сер' җамгэхэв едэйвадинамда-сетыва". Тюку по' юд' мян' едэй серм' җадимдевы". Хурка җаво несэймам' теда' падвэхэдани намдаңгура".

• Мале сян по" тяхана җэрм' тер" еэмня сава няд"ма җадимьясь. Ңока нюсавэй' мяд' терха" мяд' пелярахам' мипапяць. Тамалыңгана няхар" нюм' ховы" ня"ма пир"җадонзь. Теда' сидя җацекем' соявы" җани' ня"марпабато' серота.

• Нюртей по' тохолко пэвы җэрм' тер, мюсерта җацекеы нядабаңгудо', няндо' сиднет ю" ёнар" есям' мипаңгу". Ңопой", мякатато' тохолкобто' җамгэхэртм' ня"ма ни" пират".

• Ты пэртяха" ты" лекар" яңга ты" пардон' җэсяҗо мипа паяць. Мюсерта" тикыдо' ня"марпа пя"махадандо' тид" манэ"ядонзь, ма"нисям": «Ңани" пардонха"на нядарка тара"». Нара', та' мале тердевы ларас ня"марпа пяңгу".

• Ямална" тигывна җэда кол-

леджхана тохолкода тохолковамда малебаванда мальҗгана экзаменда юр" баллан' падбата, нянда юр" ёнар" есям' мита". Сита тохоламбадада җобтикы таҗок есям' ня"маңгу.

• Лекар", җацекеы тохоламбада", ТЭК предприятияха"на манзарана" лимбя' иры нюртей яля' пуд колледжхана манзара пэбто' җопой яңорэй" миллион есям' ня"маңгу". Мачним", тарця нядаңгосэй җацекеы тохоламбади томдаңгу.

• Хардахананд самляңг юркад

тянэ ненэця" илебто', тикахад харт мяцавэй' җэбат җамгэри Ямална" март' илеванзь хэсь пиртар. Мят җар мядм' ня"мабат җод", есяҗэ ханабат җод", ханзели" серота. Мят харт тэмдавэр нибат җа", җарка хардан' җани' илелпат сава җэңгу. Ңопой" нянд җахат мят то"олхам' тата". Таддикахад несэй хардан' ямдавы" юр" ёнар" есям' ня"маңгу".

(пелямда 2  
стр. җа)

# Тарана няд'мадамдо, ня'амвы'



Сидяңг: М.Яр тадгавы'

Ямал терна» «Президентский фонд культурных инициатив» нубета конкурсахана мэвы». 2025 похона һадимдеванда» серото' няю' си'ив грант' еси' няд'ми ня'амвы'. Һокханда юкад вата си'ив миллион есям' нэкалмы'.

Индо' харвабцо тодо' харад' няна, Приуральской няби Пуровской районха' няна ялян' һадимдеңгудо'. Нерня' хэвы' поңгана няхар' НКО, тет муниципальной культура' учреждения. Сямянхат Данила Степанов сертавы «Северный винил. Поколение НУр» проектм' саву'мы'. Новой Уренгой' тер' нямна, Ямал' нямна һэда сё' «аранжировкад» виниловой пластинкаха» падаңгу.

«Минлей» нубета һэрм' тер' организация сиднет миллион' пир' еси' няд'мам' ня'амвы. Тикы' есяха'нато' «Мяд' паңг» («Очаг», «Корни») фильмам' серта тасламби'. Һэрм' явна мюсерта мяд' тер' илам' манэ'лабтаңгу'. Ненэй' ненэцие' нямна һанисэй' тэнзам' мэта' ненэцие' намдаңгу'. Тикы' серо' Галина Ачембоевна Матрас минрейда. Һэсыдо' Салехард ядхана һа, организациядо' мале пон манзара.

Аксаркахаана «Легенда в стихиях тундры» спектакльм' сертаңгу'. Пуровской район' няна «Путешествие в мир ненецких игр и игрушек» комикс һадимда. Ноябрьск' няна Һарка Победа' сиднет ю' по' няю' «Маленькие герои большой войны» тарана' спектакльм',

хусувэй' хибя таром' ха'аврамба' мам' манэ'лабтаңгу'.

ПФКИ тасалкоди' комитет' һэвахана мэна ерв Сергей Кириенко тарем' лаханавы: «Тюку по манзаяндо' няю' харто' есядо' салдамбада нерня' пэрһаваць. Ямал-хад грант' еси мато'мы' ненэцие' организациядо' няби партнёрдо' һобанзер' 18,5 миллион' пир' есявна нядаңгу'».

Россияна' сиднет ю' мат' яхад һэда 1016 проектам' саць саву'мы'. Һокханда няндо' 5 млрд 730 млн есям' ми'мы'. Нерня' хэвдавэй' нидо' юраңгу'. Пыдо' е'эмняндо' яра' иры' 6 яля' һэсонд' һани' һобтики тарця яңга конкурс минда.

Анна Яптик' падвы

## Маянд' еремэхэ' нядавэхэ'

Выңгана илена' ненэцие' маянд' еремы' нидо' нядабасетыдо'. Я' поңгана сырэй' нумгана хуркари сер' хадкэ пирһада. Ямальской районхад юнм' намдаваць.

Дмитрий Окоэтто няби Денис Вануйто Сёяха' хардан' мимэхэ'. Нянди' хаевы еся' ханм' сулорманзы һэдалёвэхэ'. Сехэры' поңгана парахэй' ГРЭКОЛм' едтевэхэ'. Тикы' һарка машина хардахад тет ю' һэдалава' пиркана һэвы. Ханзер' хо'мамди' Дмитрий тарем' ваде'мэда:

– Паранана машинам' һаха' манэ'һаминзы. Хэвханда тэв'–махадани' һобкерт ненэцие' ядэромам' хонами' яңгусь. Хэвхы' ёда манэсартахани' сидя ядна ёхобортам' едтенинзы. Сидти' хонра'махадани', паромбарка хахаяда ты пэрти' мят' тэвраһахаюнннзы. Танияд телефон' мутрам' няд'мяць лекарм' хаһаваць.

Маянд' еремэхэ' Сабеттахад Сёяхан' һэдалёвэхэ'. Я' поңгана ГРЭКОЛ машинанди' моторта табцавы. Хахтабадаханди' һарханда парана пэвы', һамгэриди', юдер' паныди' мюнянда паравы'. Тад пуна һэлад' хад сыра яд'миди' син-давы, пуняңы сехэрэмди' пили' ё'мэди'. Пи' ямбан' ёхобормэхэнзы, һудиди', һэди' хацьвэхэ' ханяс'. Нядаңгода няхаюна' хо'махад, хардахана лекар' мят' тэвравэхэюдо'.

Тарем' Денис няби Дмитрием' няд'мяць Сабетта' манзаранаха' иле вудумэхэ'.

Руфина Окоэтто'  
падвы

## Нядаңгосэй һадимя'

(нердена пеляда 1 стр. һа)

• Ты пэртя пенсиян' хэвы' ненэцие' хардахана иле пэбта ня'марпавы есьда, «кочевой» нубетида һахатанда сер' ня'марпаңгуда. Лимбоя' иры' нюртей яляхад һадимы сер'. Тикы' нерцю' хардан' ха'амвы таминда есь ня'марпа һэвадаламбидонзы.

• Тандая' манзара пэвы' ты' лекар', ветеринарной фельдшер' манзаям' пэвы' самляңг юр' ёнар' есям' ня'маңгу'. Вузм' ёльцевы' ты' лекараңэ, ненэцие'на илени сармико савумдамбада лекараңэ таралпату' си'ив юр' ёнар' есям' ня'маңгу'.

• Варючи' ненэцие', Һарка сайнормахана мэвы', һавна' сайнорта нядабавы', варючи' һацекеэсавэй' мяд' тер', ява' лэтрамбада' няби мядото' тер', тикахад тамна һани' хибяри' вэнекудо', хоскидо' мирци' хабтамбаңгудо'.

• Электронной сертификатм' нюдяко' хардахана илена' һобтики мэтадо'. Малакам', малакахад сертавы һавар' несэй' хардахад тэмдаба һани' пиртыдо'. Тикы' нерцю' тарцям' харто' лекарато' мя'лихина ня'ма пир'һаць.

А.Хорэли'  
падвы

## Мяка'нато' нылана'

Едэй по' пэва' нерцю' ты пэртя' һацекедо' хосаяванзы тосеты'. Тет иры' ямбан' тохолкода' пэдавид', мякато' харбелавид', һатесялмы'. Небянадо', нисянадо' сиддо' ханабавандо' мальһана һули' идо' сава' һэвы'.

По' пуданахана интернатхана манзарана' выңгад турта' няхато' һани' маймбасеты', хусувэймдо' лаханако няцеты'. Таддикахад ненадовна таславы яляхана һобт' ма'лёвадо' һани' танясыты.

Аксарка' интернатхана юр' самляңг юкад вата' һацекеы' иле'. Тандая' нудо' вэде'манзы, һацекеыто' ханзер' илевам' манэ'манзы Пэ' хою' нямна мюсерта' турһаць. Воспитатель' ня' няби һацекеы тохоламбади' ня' тасалкурһаць, нюто' ханзер' тохолковам', пудана' юне ваде'һаць. Таддикахад нюдякорка' һацекеы' школа' нерцю' тохолко, хамеко пир'мам' һани' хэтвэдонзы. Ненэцие' нюто' ила' нямна хонарковы', сямян һамгэндо' нямна һарканавы', нюто' е'эмня һадимдембада' яля' ня' һэда серо саву'мы'.

Белоярскхана һобтики тарем' һобт' ма'люрмыць. Ты пэртя' интернат' мюня ядэсумбавы', һолава' мяканандо' һобкана һормы', сяммы'. Интернатхана манзарана лекар' няндо' хуркари табеко ваде'мы. Сиддо' сававна мядолабтавы', е'эмняндо' хуркари һаво хамэдавы': ненэй' вадавна хобцоко пюрмы', хадыця' сянакод сертавы', Ямал' терхана тарана «Мо-рошка» картадамдо' нэвы', концертан' сырмы'. Тикы' хавна тадтаңговы', паской сидяңгадамдо' тадтаңгова' кружокм' минрена сертавы. Нюдо' тид' вадабавандо' няю' ненадо' падро ня'амвы'. Ти, таняна тарця' серо һадимдевы'.

Теда' округна' һардавна һацекеы' нылана'. Неноховавна тэри мэвахад ехэраванһагабя', хусувэй' яля' мяд' серо минре нядаңгу'. Хибяхов нисяхананда хан' вэняна поёрманзы, пиндуванзы, тыда манэ'манзы ханда. Тамна һани' салабадамда, сехэдамда хосаяңгу, нюдяко' нянда пи-вацьд сэдыбаңгу. Малэ сян яля' мято' тер' нядабаңгу', пуна һани' тохолко пэңгуд'.

Һанине Яптикы'  
падвы



## Пыхыдамда тохоламби

**Ҷарка" хардахана тохолкода" илебей ненэця" манзаян' тоходануванзэ Ямалан' турцеты". Ненонна ненэй вадам' минреванда" мякато' ханцеты". Ҷамгэри маркана тарця теневабцодамдо' хось я"ма". Харто' школаханандо' Ҷатенанидо' Ҷани' тания", сиддо' тохоламбавыдо' няндо' маймба пэрҶа".**



табедамбадада Ҷобаңгэв' хэвхананда мэсь, тарабта Ҷамгэри Ҷамгэхэна сита нядабись. Ирина

Нюдяковна тохоламбадамда Ҷани' саву"Ҷадась.  
– Ҷацеке тохоламбава нензел"

Анна Япгик'  
падвы

Харе" ялҶэ едэй манзаям' тохоламбава ненэся тоена. Тюку иланҶана хэвхана сабе няданҶода ненэця' яңго пэрҶа, хибя харта сямбирувна пир"Ҷада, тарем' нерня' минда. Нюртей манзара пэвахананд сит нядабанд танияб", ёльце ябдана ненэцянд, серод тэри харто' индо' сер' хайна минда". Практикам' мэ"ма' мальҶгана сит табедамбадар манзаямда сававна нянд вадета, манэ"лабтаңгу, пыдар Ҷобтики сяхари' тарем' манзараван', тэравы сехэрэмд тяха' минреван' харваңгун.

Санкт-Петербургхана Александр Иванович Герцен' нюмам' мэта университетхана тохолкода" тохолковамдо' малеваридо' хаи. Теда' пыдо' мале пыхыдадо' тохоламби", нюртей мэва Ҷацекехэ"на манзара". Ханяңы" Ҷэрм' тер" ненэцие" институтхана тохолкода" харто' яхато' хэвыць. Ямалхад Ҷэда нява" Татьяна Сэротэтто Яр-Салян' Ҷэдалавыць. Хой' няна вадёвы некоця тетимдей по' Ҷарка маркана иле. Пяванда манзаямда торомдаванзэ харта яханда, школаханда хэсь идевы". Сита тидхалембададанда Ҷока" по" ямбан' ненэй вадам' минрена не Ирина Нюдяковна Вануйто тара.

Яр-Салян' тэвормани мальҶгана школан' тюңгадамзэ. ТамальҶгана матдомдэй класс' тер" «Ненэця' вада» урокм' Татьяна минредась. Пыда ханзер" толаңго пир"мамдо' мансарҶась. Ҷацеке" нянда инзелець, хусувэй вадаханда намдорҶаць. Сита

сер" нивы Ҷа", пэрманда манзая ёльце Ҷока. Таремгав' серта я"манами яңгусь. Институтхана ня"мавы" теневабцони няд"мадани тараць. Тад нерня' ихинани тамна' тяха' тохолко хэван' харвадм', магистратурам' пясэ тасламбидм'. Пунахав' харвабта тюкон' манзараванзэ тутнакедм', Ҷарка хардахана илева тоенарка, хусувэхэт ханяхав' паромбаңгун, тюкохона ими тэри таңга. Тедари' пяванда илми пунси. Мякани носиндалава ирыхына тодамзэ, Ҷарка пэвдей иры' хэва' Ҷэсонд' тюкохона мэңгудм'. Ханяңы" тохолко нята" нини" практикамдо' Санкт-Петербургхана мэ"Ҷадо', пелдо' си"ни тотрев' тодо" яха' мякато' хаяць. Ҷани" Ямал' тер" Ҷацеке", культуролог" нара' Панаевск хардан', Пэ Салян' тута". Нарахав' мякани нидм' тут", дипломами падыбаңгудм', практиками маркана мэтав. Теда' нянани ю" нями тохолку". Нерняхаванда сидя ю" сидяваць, янамбовна Ҷоб" тяньюмява", ненэй ненэцяңгат маньрин хайдэмзэ. Нюдякомбой" курсхана" тохолкоди" поңгана Яр-Саля' тер" тянёрка", Новой Портхад, Хальмер" седе"э' няд Ҷока".

Татьяна нида выңгана иле". Нянанда лаханаковани мальҶгана харад' хэван' тэва вадэ"ядась. Ныланава' яляхананда танияку" ядэрманзэ пэрҶась. Яляндо' тома' сер' явм' мадабавандаць.

## Ненадумда"ми ня"амвы"

Ҷэрм' тер" серо тидхалембада департаментхана Ҷарка пэвдей ирыхына Ҷоб" ненадо сер" Ҷась. Танияна Ҷэрм' тер" лаханакко, хобцоко, сё мэти", ма"ламбади", падыбади" ненэцие" поңгад ва"лэйм' тэрабиць. Хусувэй тэнзахат Ҷопойм' тасламбиць. Тюку по' тарця нюбе ня"амван' харвана" тянэри" Ҷэвыць.

Тики конкурс Ҷэрм' тер" ила' саирм', лаханакко, хобцоко, сё лэтрамбава' е"эмня

сертавы. Ненэй ненэцяңгат паднана нем' Пяк Инна Аутовнам' тэравы". Пыда Пяко" яхад Ханымей хардахад Ҷа. СтудентҶэ манзаям' тохоламбаванда мальҶгана Пяко" вадавна Ҷэда словарьм' сертавы. Тики книгадамда Ҷацеке" школахана тохолко мэ"Ҷадо'. Теда' хахаяда" похонна Ҷани' Ҷопой вадандо' харам' тохолава' няю' словарьм' сертаңгу".

Тасу' хабижит Калина Анастасиям' ва"лэйҶэ таславыць. Хаби" тэнзхат Шурышкарский районхад, Ҷацекехэ"на манзаранам – Тамара

Пырысевам' тэравы". Пыда «Ай ас ёх» нюбета ансамбль' нермбэртя. Теневабцуда тамна' тяха' тохоламбадахата тэврамбида. Тарця ненэця' сяхаринда тарця ненадо нюмам' мэпата серо"Ҷа.

Округханана" 2016 поход конкурс миҶа. Таңок по" ямбан' сидя ю" мат" Ҷэрм' тер" ненэцям' ненадумдавы".

Руфина Окоэтто'  
падвы



## Хамал Хорха

Сявта’ сё, Ламзендо’ сё мале сян” юд” нэдалавам’ мада”махаданди’ нобт’ надаранаха’. Тамна нълнъякуна нянди’ Лякендо’ сё теберна. Тикы няхар” яха” ноб’ сер’ Ерь’ яхаңэ хая”, пуна Яптик” саяя’ нълмна яван’ мантэяд”.

Тенкана – хор” иры’ пудана яляха”на яха” идедо’ ханимя”, салабаңэ хая”, ха”мотана халям’ хадабада” ненэця” ибедо’ тоса” поңгацидо’ сэр’ нълмна нэдарамба пя”. Нюртей салаба’ нълмна пятва, ненэй нюрцьм сер”. Сера’ нэсяхад нодь няңота салабаком’ тыбка’ няндуй’ коцяхана саптар, пятабцяңэ есенабцьм’ мэтан.

Мань жо”, нодь тохолко мале”мяхадани, нисяханани поңгарманзь ядэрцетидм’, та’ мальнганна ты” нэ” мереңаць. Няхар” нэдалаван’ ханцетыни’. Сявта’ сём’ пядыбининзь. Хуб’ тахана мер’ нэдалаб”нани’ пэвсюмя’ няңы ялэмдад’ вар’ хана мякни’ тэвсетыни’. Хал’ яда жока нэсеты, ханони’ панцеты”.

Ѓопой тарця нэдалёрома’ ханани’ мяцьда яхана хорха, хамал суюм’ хонинзь. Тикы сую пумнани’ мяни’ нэсонд’

тось. Тет-самляңг по” хэ”мяхад нарка”я нензаминдя хабтась.

Ѓоб” тарем’ нани’ нэрёй’ няңысь, мань Хамал Хорхам’ нензаминдяңэ мэ”надамзь. Сявта’ сёхона сидя яля’ тяхана пядвы” поңгни” ватаванзь нэдалыдамзь. Тамальнганна ханюй” лахаця” сы’ рахана пулдавдавэйць, нълэми ханми ярабцамда мэ”нась. Тет хабтми етри’ няватыць.

Поңгахана”ни тэвмахадани няхар” халы” падм’ ватадм’. Ими нули” сава, тикы” халэни” едэй нэдалэсь’ явна миневан’ харвэ’ ян. Ханми пэ”мани нерня, тарем’ сырпани ноб” няртами маль’ вы. Тыбками ханадм’, няңоте”э” неро сапнадм’, ханми мэйрав. Няхар” падм’ мал’ пэнъян, тыни” ныхыдо’ жока – саңгомңэ нидо’ хомбю”.

Мякни нэдалыдм’, сё мэ”надм’ (хыно”надм’), нерденя” нумги” надибелыд”, мями – тамна сидя нэдалава.

Сидя яха’ таркавна Сявта’ сём’ нябиня” мада пэрңав. Тыни” янам’ бовна яда”. Яха’ мю’ ха”мотавами наркавна едэй. Таремңо” ихнани мадм’ – сава ни нэңгу”, янамбовна нэдалэ ха”амгув”ма. Ѓодь” яха’ мю’ ха”мота пяв, пелэйни няд, яха’ лаңг’ ни ид’ пия’ танэй”, тыни” напа”, лакри’

нявота хая”. Мань сейни хэсь нэва’ иня’ малм’ ня”амба хан’ ни нид мантэяв”, тыни” яха’ мю’ мантэяд”, намгэхэв марка’ даванонда. Ѓэни” ни’ юркыв”, нензаминдями хан’ нълна ха’ ёвы, няхар” пелэйми хэвханда лябтармыд”.

Ими таминдя ярума, нензаминдяни нълы нарханда вэя, ядембада вэя ханюй салаба’ ниня ханяңы” яха”на мале сисюревы”. Хамал Хорха’ иняңы пуңэда няр” мальвы.

Тэми няни мунзи” сырна, сэв’ хаюда ид” пандавыдо’, сэнзяни мюй мальвы лэхэд иби. Тэми севолна, хайлада тэпидм’, сяни” нюцямбив, хар”ни хайлони” норнадм’. Янамбовна харми тюхулнадм’, няби нудаханани тэни нэвам’ нямзлембидм’, ня’ би нудаханани Хамал Хорхам’ пудуёна.

Нензаминдями хабарна, яхав, намзида хан’ ни’ пэян. Няхар”, тамна ибэй” халэни” пад, яха’ сэр’ кна лэхэбтё хасейн, парасинхана синдэй. Нензаминдяңэ пелэйми подернадм’, мякни нэдалэяв”.

Нумда пиңэ хая, сыра’ сэв” мантэлыд”. Мунзи” нэдалыдм’, сяни” сё нидм’ мэс”.

Макар Окотэтто’ падвы

## Ѓавками

Яха’ вархана  
Мань наваками  
Итамда наворна.  
Сидяда нямдада  
Пя’ таркараха”,  
Тет ямб нэда  
Вьянганна ни” на”.  
Хой’ илаңганна тэсипойхав”  
Ѓобкарт ненэць’  
Вунида пират”.  
Ѓэдалёб”нани  
Мань наваками  
Ям’ тинарта,  
Мерця’ набт’ ни’  
Пыям’ носарпаңгу.  
Ѓамгэ’ пиркана  
Ѓарка мя”ни нимня  
Си”ми надимдеңгу.  
Ёхоборкава  
Харта ехэра.  
Тиканда е”эмня  
харвобтариңав.  
Ѓэдалёро”махад  
нянькоцяхана,  
Халы’ евэйхана тэми  
мицьтыв.  
Тэвам’ партэла пыда  
наворцеты.  
Тикахавахад жока нита понд’  
Ѓэда сянакуць навака нявоты.

Яндо Марина’ падвы,  
4 а класс



## Ямал

Соя”мами ями  
Саць наркавна  
Харвобта нивав”,  
Тикы яни нювм’  
Ехэрабнанда”,  
Мань хэтангув.  
Тикы сава я  
Ямалм’ нубе”на.  
Ямалханана” тына”  
саць жока”.  
Ханедахавада нобтики жока.  
Халыам’ хадабада”  
Ѓанукуто’ мюй”  
халыхана пан”на”.  
Ѓодя” тэнзхав”  
хуркари” ни”имна”.  
Мараңга, лынзермя  
эльцяңгананда жока.  
Лэ”мор’ нодяв  
эльце намялы.  
Тецьбата нод”, соя”мами ями  
Ями пили” мэнеңгув,  
Харвобтариңгув!

Яр Жанна’ падвы,  
4 класс



Сидяңг’ М. Ярой’ гадгавы”

# Ирината илам' падвы

Ҷарка пэвдей иры' 20 яля' Юрий Неёлов' нюмам' мэта музейхана ма"люржаваць. Тания' сидна" Борис Григорьевич Шушаков ма"лась. Няна" тандая' падвы «Становление» нюбета книгамда ваде"җась.

Маня" редакция' манзаранаҗэ җопой паднана няна" лахарён' инзелеванзь хан"җаваць. Сидна" тотрев' товы җока җэвысь. Ненэцие" поҗгана мята тер", сава" нида, теневаида мэць. Хуркари" организацияхат җэда" җани' товыць. Яҗга вадам' мин-ренада, сита лаханакко нятада таниясь, пыда тарем' мась:

– Борис Григорьевич җули" мер' евакоҗэ хаёвысь. Нисянда яҗгума' мальҗгана тет ирыда җэвы. Небянда яҗгумб" си"ив поданда хэвы. 1957 похона Тазовский харад' школан' тохолкованзь ханавэдо'. 1968 похона тикэмда ёльцевэда. Пуна Тюмень' няна тохолковы, «Экономика труда и социологии» серм' торомдамбавы. 1970 по' җэсонд' армияхана мэвы. Тикында пуд таминда манзара пэвы". Ханярина манзаравы: Тюмень' няна җэда станкостроительной заводхана, ПО «Ямалрыба» заводхана, округна" серо минрени" мякана, җэрм' тер" серо тасламбада департаментхана.

## ТОЕНАНА ИЛ' СИТА ТОХОЛАВЫ

Тад' тяха' сидя ю" понда җэва' мальҗгана хурка ненэця' җэ"мямда хонрамбись. Маня" җани' намдаван' харваваць, Борис Григорьевич вахалмарим' җатеваць:

– Җока" по" хая", тензибтева' пирхарт" ни" җа". Тазовский хардахана сямьян җамгэн' тухудамзь. Җадьбята армия нянани нензелць, мякатато' товы" няхата"ни ваҗу"җадамзь. Тамальҗгана хар"н сямьян манзаям' пэрць пир"җадамзь, тамна нянани мэвы" нини тохоламбасетыдм'. Дальний Восток' няна сидя по' мэдамзь. Мякани тэв"махадани тохолковами тамна' тяха' Тобольск' техникумхана пявась. Тикыни пуд пыхыдами Тюменской университетан' падавась.

1999 поход 2007 по' җэсонд' җэрм' тер" серо тидхалембада департаментхана манзаравысь. Теда' танияна манзарана" сита манэ"манзь товыць. Җуданданодо' Ульяна Каленюк нянда тарця вади мэ"җась:

– Ненадо яляхананд хэвхананд мэвами ёльце сава. Нит иле"ми падыбавар саць тарана сер", тикэмд тяхари' минред, етри' варемд мэс", сензан' җа". Падвэмд толаван' харвав, маси", Едэй



по' ныланава" яляха"на толаҗго җамдаҗгув".

## ПАҖГОДА ҖЭРМ ЯХАД ПЕРЕ"

«Становление» книгамда юкад вата" по" падыбавэдасть. Харта паҗгота, ирината, хаданата нямна җа. Пыда иле"мяда җани' хибяхарт иле"мя' то"олхани"җа". Җобаҗгуна мята тер" илам' тохоламба, ханяд җэвамдо' тасламба пявы. Тад пуна намдавыда падарт' падыба пявыда. Сяхаҗгав' луца ирида таниявы, нюмда Александр Шушаков җэвы. Ирида пухуцяданда ненэй нем' Нейко (Анна) Тёрм' мэвы.

– Җавна' Мамеев васкуй луца Тазовский хардахана илевы. Тобольск хардан' тэмдорманзь хан"манда мальҗгана сита нядабададанда җацекы хасавам' Тасу' ян' тэвравы. Иrimi җопой мэва яха' варувна ядэрманзь хэсь идевы". Тарем' ядэрманда сер' паской нем' манэ"мы. Ненэй панытавы, җэбтахабида ямб" җэвы". Няданда хонарковы, нябир мунзявы, пя" помна тяха' сэйвы. Иrimi тэри пысаҗгавы: «Ханяд җадимя, тарця не туюкохона яҗгусяне"». Сэй"махаданда пякоцяхана ямда ненадумдавэда. Җэсыхында то"махаданда ядэро"мида җаркамбой" ненэцяҗг" ваде"мыда. Пыдо' мамы": «Я' ерв нем' манэпавэн. Сит ханзеркарт" ни мы", туюкохона мэсь сит ни волтамбю". Тад нерня' яханана" илеҗгун, җэрм' я' терҗэ тараҗгун, - Борис Григорьевич ма.

## ҖОКА САВА ВАДАМ' НАМДАСЬ

Җопой няда «Ямал-ню"на" я!»



Ассоциацияхана мэна туҗгос не Анна Николаевна Корнилова тарем' мась:

– Падвэхэнанда җэрм' тер" ненэцие" илам' ваде"җа: җавна' ханзер" илевы", җамгэм' пэрмы", иландо' хурка җэвы. Падвэмда толавани сер' хар"н ями тензибтедамзь. Ямда җули" мэнеда, янда серо" нямна няркана, книгада ёльце илека, хусувэй хибя толабта серо"җа. Няха"ни толаванзь мипивась, нянандо' җули" савась.

«Минлей» җэсым' ня"амбада Галина Ачембоевна Матарас җобтики вадамда хэтась:

– Нява" няна" тид" җэда иҗудм' тэвра. Ямална" тиҗгывна хуркари" иле"мя", юнета" мяд' тер" тания". Падуванда пирхата җока. Тикахад хусувэва" сита тотрев' нида пирас", книгам' падва саць тоенана сер". Җани я' вадан' книгамд падван' харвана җадимб", пуня' җоб" нён җа". Падвэхэданд толаҗгода ненэць' табеком' хось пир"җа.

Борис Григорьевич иланда

нямна час' пирт' лаханась. Вадамда тарем' ёльцевэдасть:

– Иринана"-хаданана" нямна падна тара, тикарихина илна" саир" нерня' минда, невхы" паҗгона" нина" юраҗгу", нюна", нюна" ню" ханяд иламдо' пя"-мамдо' теневаҗгудо'.

Нянда инзелевана" хавна сё мэтаха" инзелеваць. Сидна" майбтаванзь «Вы' сей'» тер" турҗаць. Мяка"на" хэвана" нерцю" мядонзэйдана" тась. Мал" пидте"мясавэй, сава вада-савэй книгам' ня"маваць.

## Анна Яптик' падвы



Сидяҗг": Р. Окоҗэгто' тадтавы"



Деты 2025 пома Россияна њадка палыџота хайнодыш нэхэлмаң дет тондјота поңэ «Год защитника Отечества» таслаңаташ. Маня» Ямалханана чуки пома «Год героев», округна њадка велв таньше таслаңаташ. Ѓупчики Великий» Отечественный» войнахана хайнолды дет тасламы, четаң СВОхана мэна», мэмы» хайму» дет тунды. Надаң май дилихина шитчет»дю» (80) поңэ кайны њадка дяна чел» хэлаку лусахана» хайнодыш нэхэлмахат. Чемт нельняң шанат тэмс неша» няџайтуң нетуң хайнодыш чокулдэмам, хайнолма похона» чокманна дилимам, мансламам дюлмаң тайхана чуки пома таньдет шедтамы.

Шитчет»дю» пуң чена хэлаку луса» маня» њадка дяна чел»хана» хайнодыш чепьмахана, шанат тэмс неша» хаймыхи» канаџаш». Хайнолма чет» похона шаңкмьан неша» чок коџаш». Маня» Пуровский районхатна шича дэнадкат ва»та чет» дю» неша» хайнодыш кадяш». Чикидю» поңкна ненэй неша», капи», вахандя», њысма» тадымэџаш». Кукиты» шан» мяктоң ниш» ту». Куки хайнодыш каймы неша» њамэхэна хинчумахалтатуң пунши. Хайнодыш ниня каймы» неша» њупчики хайму» нятапеш дядитахана манслаштомай». Чет» хайнолма пуң дямпан њадка дяна тамна шича дю» мат» миллионхат њука неша» каталамэт».

Маня» њадка дяна чел» нэхэлмахат шанат њыди дяң чел» таңкаш дилиндайташ». Тадям четаң Ямалхатна хайнодыш каймы нена» куняна хайнолма, куше округханана хайму» нятапэмамтуң, њалтана њашки» чедимьямаң мэты, пу»тахана пытыпеш, вачаш тала. Таньдэльшкэй шеду» њалтана» њашки» чедимьямаң мэт, маня» дяханана кудкади» таньдет њайта хома шеду» шедташту». Шаңкмьан кадват тахана хайнолды» дет тондјота памятник тады».

Тадкахана њайта мемориальный» комплекс» «Воинам освободителям» њалтаџатоньш, хомяхамтаџатоньш. Таньняна шанат тэмс нешади» ним» пыты». Няхадю»туң хэлаку лусахана» хайнолма дэльшкэй Великий» Отечественный» войнахана хайнолды», шичадю»туң – Афганистанхана. Чикиң кам-



## Дюлмаңа тайхана

Татма: Кадпюл администрациң соцсетъхат мэмы



на Тадкахана деты памятник» «Спираль времени» найџаш». Чикитоң шича эпохан тасды: шиниңкуй њадка дяна чел» хэлаку лусахана» хайнолма пу», ними четы шед, СВОхана мэна хайму» дет тунды. Таң камна деты пуң нельшуна декабрь дилихина Тадкахай школа-интернат музейхана, Кадпюлкай школа-интернатхана специальный» военный» операциң няна хайнолды» дээмня «Памятная доска» и «Парга Героя» найџаш». Александр Тарасов-Кузьмин немядэм неша ни. Александр Тадкахай школа-интернатхана 2005-2014 похона тоходкуш. Кынсуманяна 2022 похона СВО няң кадяш, оператор» БПЛА њэ мэмай. Службамта хомана миндемыта. Каймы 2024 похона 22 августхана хайнодыш геройски» нэдтуш. Хомана хайнолма дээмня Орден Мужества нямџаш, нэдтуманта пут наградиџатоньш.

Тадкахай школа-интернат музейхана СВОхана хайнолды татма шат њука. Кадпюлкай дилина» њупчики хайнодыш СВОн каймы нямтуң Евгений

Дмитривич Айваседо вивхалыш. Евгений њупчики хомана службамта миндемыта. Ѓупчики геройски хайнодыш нэдтуш. Маня» Пуровский» районхана дилина»џэ хайнодыш нэдтомы» нена пон нина» дюлан. Четаң СВО няна њука неша» мэңа». Шанат тэмс неша» дямтуң дэтпеш њуп нэхэм мэш хайноды».

Тадям чуки похона Ямална њадка тэта деты программам «Время героев» шедтаны. Чики проект» хома, СВО няна мэмы таньдет тоходкумахатоң

государственных», муниципальных» органах власти мансламан хати, госкомпанихина манслаш вивитани», таньняң маслаш нямаштондјатуң.

Чуки «Год защитника Отечества» похона, Ямалханана шедтамы «Год героев» похона кудкади» мероприятия» њайты. Шиниңкуй нилинана, катанана хайнолма, четан СВОхана мэна нена хайнолма нимяна мэт дюл таньше шедтамы.

Андрей Пяк патмы



Тарасов-Кузьмин Александр Николаевич  
Награжден Орденом Мужества

Родился 02 сентября 1998 в п.Тарко-Сале Пуровского района. Александр учился в школе-интернате г. Тарко-Сале (2005-2014 гг.). Получил аттестат об основном общем образовании в 2014 году. Активно принимал участие в жизни класса и школы, деятельности региональной Ассоциации детских и пионерских объединений и организации «Наследники». Александр – победитель районных соревнований по пауэрлифтингу.

В ноябре 2017 года был призван в ряды Российской армии, где проходил службу в войсковой части 65262 в должности курсанта, затем – старшего мастера узла связи, имел воинское звание ефрейтор.

В сентябре 2022 года отправился в зону специальной военной операции в должности оператора БПЛА. Александр Николаевич был назначен на должность командира стрелкового отделения (снайпер) отдельного стрелкового взвода снайперов 2 стрелкового батальона 111 стрелкового полка пионерской части 71443. Принимал участие в освобождении населенных пунктов: Воданое, Нейтайово и Карловка в Донецкой Народной Республике. Награжден грамотой от командования войсковой части 34497 за образцовое выполнение боевых задач в зоне проведения специальной военной операции и высокий профессионализм.

Александр Николаевич погиб при исполнении военного долга 22 августа 2024 года.

За мужество и отвагу, проявленные при исполнении профессионального долга, доблестное выполнение поставленных задач Александр Николаевич Тарасов-Кузьмин представлен к Ордену Мужества посмертно.

Татма: Пуровский» район администрациң, соцсетъхат мэмы



Татма»: Пяк таттамы»

# Ирикэ

## ЏАТЕНАВА

Ирикэ паромба сярмбямда мэ. Хананда ни' ѓамды", ихинанда хамзана некоця' сэв' сермам' тензебте, хонра тара нив", таха" хонарко нидав пирас". Некоця ѓопойнэ ни мэсету". Нянанда ядэрта ѓоб" таясеты: хадада, не няда. Џэвтана" таяць. Тэта Майма ѓэвтани ѓэдабтась. Ихинанда не ябта сэв" сейхананда ѓа". Хонра саво, ѓавэн' няѓота Маймахана хэван' харва.

Сярмбямда сабцяхая" хабтада, хэвня' мода. Пыда илебей ненэця', тандая' армияхад товы. Тыда пэрѓа. Небянди' ня мякнанди' сидямбойха'. Џарка некада хардахана иле, харад' тер нем' мэсь, таяяна манзара. Небямда есяхана нядабида, сидя нумда няць ѓавар тэврамбасеты. Нябакоди' Сэяхана хаюпи, ѓояк турцеты, мале сян нюда.

Џарка то' няд нюня' выварцо со. Вэба' иры. Нум' сармик" ѓобт' ма"ляд", хэванзь ятна". Тю"у' няд хуркари" мун", тото лаб"на" со": ѓа"ѓо", ябто", хохорэй". Џэва' нимна сирна халэв хая. Ирикэ вэба' ирым' ёльце харвобтада. Ядембада яѓгу, ты" ни" падде", неняѓг", пилю" нямзерцетыд". Неро' вэба" тасехэйѓэ хая", пюѓг' вэба" няркабтэяд", хуркари тэнзаха" ха"морѓа". Пи' епдя лановорѓа, хаця тецьсяты.

Ирикэ мята ня' сылы", ѓопой яхана мэ. Тэда тянёрка. Небой похона саць ѓоковна хад" ѓэвы". Теда' мале сян ѓавкаця небяндо' хэвхана мэ". Налто вэнекоцяда - тандая' тохоламбадада, ерванда хэвхана ваны. Налто ѓэвамда тю"уку мэда, хакцида порѓя", сидя хабтаха' мание, хэвняна нёрваха' хань". Сяхаринда сава нядаѓгода ѓэѓгу.

Сэвханда яберена няръяна ѓодя ха"мы". Хасавако ня"мада, лахацяѓгад ныкалѓада, нянда син' мода. Џавыдо"мы. Ихинанда ма"нив: «Хубтакохона небяни ѓодяд ма"лабни савараха». Нензо падкоцям' содадамзь. Яля' сэв ѓыльня' хая. Ни тецю", ханя сава, нибярю" яѓгу", яляхав таясеты". Џарка курткамда луца панэмда содась. Теда' екахая", савовна тамдалкая" ѓэванда ѓыл' мэда. Хананда ни' юсибтэй". Пэв-



нянда савовна тэясь. Ненэй ненэцяѓгавахана хамэдырта яѓгу.

Пэвсюмбарка. Я' ний тидѓэ хая. Ты" хасена", ханяхавана нохо" тэрымондо'. Налто хакоцида порѓялтасетыда.

Џарка то' няд нюня' тёр со. Ненэй мякад вэнеко мадарѓа, ту' ѓабтм' мерця тэвола. Пыдо' сэйманзь ни" ятан". Мань пуна сянзакэдм', термосми тая, ѓавракодами небями пад' мю' мэсь. Хахаярка хоркы" мандал" я"авла хэванонда: «Кбэк-кбэк». Ханяхавана нум' няд нумгы мандэй". Манзеты", сава и' ядэрабцом' мэць тара. Ирикэ ма"нив": «Анинем' пухуцядни мэхэв, няни тэя».

## НИНЯ ЏАДЬДА ЏЭДАЛЁДА

Инда ядэро"мам' сирна халэв' тёр мадада. Тю"уку' санэй", хэвнямна сырѓа. Тыта пеля хадырѓа", ѓанидо' ваны". Вэнекоця ерваханда несьда. Инзеле, ѓамгэхэрт мун яѓгу: нохо" сярна яѓгу, хоркы" тыхана хэбтум", минахартадо' яѓгу. Халэвцяри" сирна", то' няна хая", нюняхарт мунзьялмы. Я' яд' нимна пэвсю-мя, яля ѓодь ѓади.

Џани' сярмбямда мэхэя, Ирикэ хананда ни' юсибтэй". Тад инзеле – ханяхавана ѓэдалёда миѓа. «Тэняѓы ѓысыхыд хибяхав ни мий"», – Ирикэ ихинанда ма"нив. Инзеленаханда лакри' не-мада то, хонараварида

ѓэбтав", ѓэдалёда няринда минда то"олха. Џэвамда тю"у' мэхэя, ѓодь вареката маха' няю' сылы", хибяхарт яѓгу! Тарси" ты" ѓэ" мун", пятвадо', хан' сена" со". Манэ"тада яѓгу!!! «Ханзер" ѓадм'...», - ѓэвамда паркая, саликанда ни' тю"уку' хая, таха" саць пэвдя ни ѓа". Сейда хубкадарць пэй"! Сырѓа, ѓувоця" паѓгто' нямна тамдалѓга", няда' марна" со", хан' миннувна ѓади". Хибяхарт яѓгу! Налто тад санаванда, тёрсавэй" минда няна хая. Ты" санэй", хэвняку нявота хая". Вэнекоця хибяхаван' мадарѓа. Хибя ѓэдакы?!!! Налтом' хибяхав ѓарковна пидеда, вэнеко сярнэрць ерванда хан' ѓыл' лыѓгарэй", таянд ѓарна.

Ирикэ сейнда хэсь хутерта' то"олха. Сана ныхыда яѓгу. Хасава сейрида хубкардарѓа, юрка я"мада. «Ханзер" ѓадм' ти!?...», - ихивада ядэрѓа. Џэдалёда ѓули" хахая то, тыда пята". Ирикэ ѓэва инямда нэкалман харва, нэкалць я"мада – юѓэ сярхалмы: «Тыни харе тара"». Тёрмда ѓэдабтаванзь мэ – сёда табалѓй", индамда нэкалць я"ма. Нясихиданда ѓодь вареката хэрнабцо ѓадимя, ѓодь со. Ирикэ талейбтэй" – сэвда хаймлэйда, хонёдарха. Ты ѓэтна хэвханда нултада. Ханда нид юрквонда, хан' лата' серна" со".

Ирикэ няю' тованонда. Џарка ненэця' ѓэбтав – ядванда сер' няда маркадарѓа. Хэвхананда нулѓй". Ирикэ ѓули" талейбтэй". Сейрида хубкадарѓа.

(Пелямда 3 -й номеркана толаира")

Наца Худи' падвы



## Ирин сехэры

Нэрм’ яни мерця  
Мань нердани  
Ладоранараха,  
Ен нэва’ тарм’  
Тимбдакораха.  
Мань падукони  
Ялэмдатрев’  
Няръянараха”.  
Паромдэй’ нид  
Нив” тиндасяту”.  
Нэрм хадхана  
Нидм’ ёхосяту”.  
Иринан недам’  
Мань нёдаңгудм’.  
Мань иринан  
Нэрм’ я’ мерця’  
Туросатавы  
Пыдо’ то”олхаць.  
Харто’ иландамдо’  
Ядвасавэй’  
Пыдо’ нэкалпиць,  
Саңговотахад  
Ни” хунорцяту”.  
Вэва ненэцие,  
Нидо’ сэхэдана  
Волтамбасяты”.  
Иринан вади  
Мань теняян,  
Нэрм’ хадхана  
Ты’ тотрев’  
Нидм’ ёхоборт”.  
Нарк” я’ поё  
Маторпабнан  
Иринан вади  
Хуна сяхаңгарт’  
Нин юрыбюр”.

Леонид Лапцуй’ падвы

## ОБЪЯВЛЕНИЕ

**СЛУЖБА  
ПО КОНТРАКТУ  
В ВС РФ**

ПОЛНАЯ ИНФОРМАЦИЯ ПО ТЕЛЕФОНУ  
**8(902)81-6-11-90**  
ЗВОНОК ПО РОССИИ БЕСПЛАТНО

**ВРЕМЯ ДЛЯ  
ВАЖНЫХ РЕШЕНИЙ!**

**КОНТРАКТНАЯ СЛУЖБА  
5 000 000 Р  
ЕДИНОВРЕМЕННАЯ ВЫПЛАТА  
2 300 000 Р**

ПРИ ЗАКЛЮЧЕНИИ КОНТРАКТА НА ЯМАЛЕ

Прибывающим с других регионов, возмещаются затраты на проезд от места проживания до г. Салехарда. В период оформления проживания в г. Салехарде бесплатно, 3-х разовое бесплатное питание!

## ОБУЧЕНИЯ:

- ✓ ОПЕРАТОРОВ БЕСПИЛОТНЫХ ЛЕТАТЕЛЬНЫХ АППАРАТОВ
- ✓ ТАКТИЧЕСКАЯ БОЕВАЯ
- ✓ МЕДИЦИНСКАЯ ПОДГОТОВКА

**1 900 000 Р**  
ЕДИНОВРЕМЕННАЯ ВЫПЛАТА  
ДО 120 000 Р  
СЕРВИСАМ НА РЕАБИЛИТАЦИЮ

**400 000 Р**  
МИНИСТЕРСТВО ОБОРОНЫ  
ЗАКЛЮЧЕНИЕ ВОЕННОГО СОЦИАЛЬНОГО КОНТРАКТА

**ЕЖЕМЕСЯЧНЫЕ ВЫПЛАТЫ  
ПРИ НАХОЖДЕНИИ В ЗОНЕ СВО**

**РЯДОВОЙ**  
ОТ 210 Т. Р

**СЕРЖАНТ**  
ОТ 232 Т. Р

**ПРАПОРЩИК**  
ОТ 292 Т. Р



Сидягу: М. Ярой’ тадгавы”

Газета  
«Няръяна НЭРМ»

Главный редактор  
Яр Марина  
Тэтакучевна

И.О. ГЕНЕРАЛЬНОГО ДИРЕКТОРА  
АНО «ЯМАЛ-МЕДИА»  
КАВРУК ТАТЬЯНА ИВАНОВНА

№ 2 Подписано в печать 9.01.2025г.  
Вышла в свет 11.01.2025 г.  
По графику: 16.00, фактически: 16.00.

ПОДПИСНЫЕ ИНДЕКСЫ:  
на год – ПА701,  
на полугодие – ПР562.

Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708).

Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)

Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года.  
Регистрационный ПИ № ТУ72 – 00559

Тираж 3600 экз.  
Заказ № 0008 (тираж 3600 экз.) отпечатан в АНО «Ямал-Медиа»  
Юридический адрес: 629003, Ямало-Ненецкий автономный округ,  
г. Салехард, мкр. Богдана Кнунянца, д.1, каб. 106

Фактический адрес: 629007, Ямало-Ненецкий автономный округ,  
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,  
г. Салехард, мкр. Богдана Кнунянца,  
д.1, каб. 106  
тел. (349 22) 4-53-32

E-mail: nn@yamal-media.ru